

南
河
全
考

南河全考卷下

南河郎中朱國盛編輯

員外郎朱國盛

郎中徐標續纂

治河治漕考

神宗萬曆元年河決房村工部題將沛縣窪子頭至秦溝口
築堤七十里接古北堤徐邳新堤外別築遙堤而河稍安
運道亦利

二年決邳州婁兒庄等處數口

三年河泛崔鎮寺口北決淮水泛高家堰東決徐邳以下至
淮南北漂沒千里

是年三月奉祀朱宗唐請行南京工部委主事郭子章
會潁州道勘視水勢衝激崖岸恐侵栢林議估石砌泗

陵堤二百二十六丈至五年工完時御史邵陞亦行泗州將
護城堤用石包砌堅固至今賴之稱為邵公堤都御史王
宗沐知府邵元哲亦脩高家堰并開菊花潭以洩三城之
水東方米芻舟楫皆通

五月高郵西堤決清水潭丁志等口本部郎中屠元冰暨

接管郎中陳詔督築塞之

四年五月漕撫部院吳桂芳題

請委郎中陳詔殷建中兵備程學博知州吳顯修復高郵西湖老堤傍老堤縣園田畝挑康濟越河并築中堤糧運民生至今賴之

按高郵捍湖老堤長亘四十里永樂年建至弘治間白昂于境內越民田三里鑿康濟越河通餉避湖者為東堤其捍隔民田者為中堤中堤之中有田數十萬頃則園田也嗣後園田滄沒老堤傾圮萬曆三年泗水南下衝決清水

潭寺處故塞決後即議修老堤甃砌磚石改越河廢東堤
改築中堤以便牽挽湖堤迄今堅固越河利涉

是年都御史王宗沐淮安知府陳文燭加修淮安長堤葺
築西義橋椿岸又修鹽城石碇海口以疏下流入海之路
五年漕撫侍郎吳桂芳命主事張譽知府邵元哲寺增築山
陽運堤自板閘至黃浦長七十里開通濟閘建興文閘及
修新莊寺閘築清江浦南堤以禦湖水如河岸以禦黃淮
加清江閘以便運舟之牽挽勅板閘清堤北接舊堤南接

新堤

六年九月總河侍郎潘季馴題 准命郎中張譽海防

大器揚州府同知韓相等築高堰堤長六十里內砌大口
口等處石堤三千一百一十丈柳蒲灣堤東三十餘里西
四十餘里塞崔鎮等決一百三十餘處徐睢邳宿桃清兩
岸築遙堤共長五萬六千四百三十餘丈馬廠坡堤七百
四十餘丈使兩河循軌不致外決築碭山大壩豐縣邵家
大壩各一道約束河水不二二三築徐沛豐碭縷堤一百
四十餘里砌寶應八淺石二長八十五丈六尺建崔鎮
徐昇等四減水壩以固河防以濟兼濬築歸仁集堤四十

餘里以護

陵寢修復淮安新舊閘壩而遷通濟閘于淮安甘羅城南以
納淮水故道盡復漕運通行山寶高郵興鹽寺處沮洳之
地盡為稼穡之場

國朝二百餘年來治河之功無大乎此舉云

先是萬曆三年黃決桃源崔鎮淮決高堰寶應而山陽高
寶興鹽寺處滙為巨浸桃源一帶運道梗阻是時議者謂
諸決口當毋塞開支河以殺水而濬海口以通之至是起
總河侍郎潘季馴行相視以為海口固潮汐之所從來往

也隨濬隨淤何可濬惟導河歸之海則以水治水導河即以濬海也然河未易以人力導惟繕固隄防使無旁決水入地益深則治防即以導河也今河決上流固宜疏今下流決也欲疾赴海而害祛豈必疏哉於是築堰起武家墩經大小澗至阜寧湖以捍淮東侵築堤起清江浦沿鉢池山柳浦灣迤東以制河南溢慮河內衝閘而蝕濬也嚴五閘啓閉獨以待漕艘六月運盡築壩官民船隻由壩車盤沙無內灌自徐抵淮亘六百餘里築南北兩堤蜿蜒相望于是淮畢趨清口會大河入于海、口不濬而通

八年決高郵城南敵樓之北隄上河田廬皆沒郎中張譽督
塞之寶應決黃浦壅塞六堵塞堤下掘得龍骨建脫龍亭
十二年三月高郵東通興化各場運鹽東河一道堤岸久圯
不治民曰一派汪洋鹽艘絳簾稽阻該州知州邵夢弼通
詳河鹽各院勅築東堤屹然高峙北下低田盡為沃壤鹽
船行人俱稱便涉商民誠兩利焉

是年九月督撫都御史李世達會同按鹽各院題 准命
郎中許應遠等挑寶應汜光等越河三十六里南北開二
座往來船隻永避湖險先是郎中楊最曾奏開不果至是

給事中陳大科上疏極言利害始有是役十三年河成
賜名弘濟迄今無覆溺之患後以閘水湍溜損船改平水閘
十三年八月都御史王宗沐行郎中許應遠包砌高郵護城
堤杭家嘴六百丈又小湖口堤五百三十丈工成郵民至
今永賴蓋以寶應越河大工剩有餘料滋許應遠之請也
十四年五月河決范家口水灌淮城全河幾奪又決天妃壩
福興漸淤上廬宵旰遣科臣常居敬督塞之績又加築
范口石堤全河復故

十五年七月河決劉墩醫口等堤十餘處河水南徙特遣科

臣常居敬督塞之至十七年加築遙堤一道長二千七百三十二丈足以捍衛

是年黃河又決荆隆口衝潰長堤入長東二縣尋塞之後二年復創築遙堤長二千九十九丈以防漲漫

沁河又決蓮花口金屹嶺水浸獲嘉新鄉一帶尋塞之亦加築堤壩以防漲漫

十六年都給事中常居敬題 准增修鎮口閘一座先是山東汶泗清流勢必假道茶城出口會黃自隆慶四年至萬曆十一年每為黃流倒灌稽阻重運漕撫尚書凌雲翼議

改漕河于古洪出口建內華古洪二關通為故閉以避黃
淤前年黃水大發河與關平淤塞甚遠挑濬稱難至是常
告敕請建前關去河僅八十丈以行糧運自開河後預行
挑濬專備回空

是年八月總河御史潘季馴請加泗城護堤行潁州兵備
副使王之猷督知州汪一右等修築除內換老土外自新
橋口起北至西門牌坊止加修石堤長一千九百三十二
丈加高二尺用大石長一千八百六十四丈添建子堤長
一千六百八十丈又自西門牌坊起至連南新橋口止砌

高二尺用碎石長一千一百六十五丈又添修新橋迤南
大堤并甯西石堤共長八十六丈俱於十八年完工

十七年總河都御史潘季馴修建邵伯湖石堤一道長一千
二百八十五丈補舊石堤六百一十三丈

是年河由李景高口決衝月堤入睢陳故道尋塞之其明
年自趙皮寨起至本口加築遙堤長二千三百二十九丈
以防浸溢

十九年淮湖大漲衝決邵伯湖淳家灣石堤又決邵伯鎮南
小壩橋板三處郎中黃曰謹揚州道張允濟督揚州府知

府吳秀曾河同知劉不息鳩夫積料三閱月築塞之

又決高郵中堤朱家墩清水潭二處共長二十五丈曰謹復會詳築塞因改建石堤焉

二十一年五月河決單縣之黃埭口一由徐州出小浮橋一由舊河達鎮口開時淮水大漲湖河泛溢沿河堤岸高郵南北中堤衝決魏家舍寺處大小二十八口共長五百餘丈又西老石堤洪水漫過衝決東堤又寶應決六淺潭堤二十九丈又高良澗決二十二口民罹昏墊田皆滄沒郎中沈季文詹在泮身調官夫疏水運料于二十二年盡行

築塞而又照段酌量加修磚石椿板願護其西老石堤呈
詳總河舒應龍批允加砌磚石二層焉

二十二年六月黃水大漲清口沙墊阻遏淮水不能東下於
是挾上源阜陵諸湖與山溪之水暴侵

祖陵泗城淪沒

二十三年又決高郵中堤七顆柳高家堰高良澗郎中詹在
泮寺嚴督官夫築塞仍又加石甃砌是年三月總河楊一
魁會禮科給事中張企程并撫按各院會題分黃運清明
年行委郎中詹在泮寺開桃源黃壩新河自黃家嘴起至

五港灌口止分洩黃水入海以抑黃強導淮開清口沙七
里建武家墩涇河閘洩淮水由永濟河達涇河下射陽湖
入海又建高良澗減水石閘于嬰溝周家橋減水石閘洩
淮水一由岔河下涇河一由草子湖寶應湖下子嬰溝俱
通廣洋湖入海仍恐淮水宣洩不及南注各湖為患又桃
高郵茆塘港通邵伯湖開金家灣下芒稻河入江以疏淮
漲于是各州縣可得而粒食矣至天啟二年臣國威以洩
水各閘內多傾圯通行親勘拆砌堅固以順下流之勢而
今漕河免漲溢之患

按金家灣在邵伯南五里許迺通芒稻河入江之捷徑也
是年既開一十四里以至芒稻河復建減水石閘三座由
芒稻河通江一十八里亦建石閘一座于是河水有所宣
泄云

二十五年河復大決單縣之黃堍口溢于河南之夏邑永城
界經宿州之符離橋出宿遷新河口入大河半由徐州入
舊河濟運而二洪告涸于是總河尚書楊一魁大桃李吉
口以挽黃流河成尋淤接晉總河尚書劉東星復開李吉
口疏徐邳運河然黃堍未塞河流未暢漕艘終屬濡滯

按黃堦口乃賈魯舊開處也先是河決事聞

朝廷奪總河大司空舒應龍官而以楊一魁代之一魁以河
雖南出符離滄沒民田無幾而河水一半由舊河下徐州
足以濟運議不治又二年一魁入掌部事代之者為大司
空劉東星亦守舊議但河日益南而黃堦之下李吉口淤
淤益高杜沅遂絕東星每至冬即其地開一小河春夏則
引水以下徐州濟運然亦至秋即淤不能久也若是者三
年而彭城呂梁之間古所謂懸水三千仞者可塞裳而涉
矣于是江淮當事者建六閘于河中節宣山東汶濟之水

聊以通漕而漕舟至京往後期

是年四月江都運河南門二里橋一帶水勢直洩無蓄為
鹽漕梗該巡監御史楊光訓題請檄揚州府知府郭光
復開自二里橋河口起入西折而東從姚家溝以入舊河
自四月興工八月告竣名寶帶新河民漕便焉

二十八年正月總督河漕尚書劉東星檄郎中顧雲鳳署道
事揚州府知府楊洵督夫闢桃邵伯越河長一十八里濶
一十餘丈十一月又挑界首鎮越河長一千八百八十九
丈七尺各建南北金門石閘二座其邵伯越河又建減水

石關一座迄今官民船隻永避湖險

二十九年兗州府同知鄭金以黃堦之工未竣親行熟視極力築塞未竟三十丈明年上流決蒙牆高水悉為巨浸以金敢于任事而不達水性故也

三十年三月河決蒙牆寺入歸德商永南徙而河與淮會入洪澤有閘

陵麓是年總河侍郎曾如春開挑王家口至明年秋工垂成而單縣蘓庄之河又大決矣

是年五月高郵北閘小閘口潰決長六丈本司郎中顧雲

鳳築塞之仍加磚石包砌堅固

三十一年河決燕庄衝入沛縣太行堤灌昭陽湖入夏鎮橫衝運道

三十二年總河尚書李化龍以為黃浸絳道漕事可虞于是大挑泃河自直河口起至李家港止開拓二百六十里漕船始由泃通行以避黃險本年秋河由昭陽湖穿李家口出鎮口全河上灌南陽北薄新店

三十三年總河侍郎曹時聘題 准大挑朱旺發河南山東直隸三省直丁夫挑濬由堅城集出徐州小浮橋河長六

萬丈至明年工完於是河回故道糧運無阻民生奠安
按曹公時聘為少司空銳意挽河于是復請于 朝發部
寺清折馬價并銀八十餘萬以冬十月興工自蕪莊至徐
州幾二百餘里悉州縣正官受役分地而濬之州縣官急
欲竣事其私派夫役謂之跨夫河垂成惟徐州之土有八
九里許未及濬而蕪莊逼近黃河堤土單薄忽泄地下穿
入新渠震撼東下不待放水也流至未開處稍梗塞遂汎
濫于新河之外三四十里然大勢已定可以堤約束之而
魚沛單濟金鄉之水悉歸大河民免魚鱉矣未及論功行

賞而曹公竟以憂去

三十九年六月河決狼矢總河都御史劉士忠命中河郎中
吳大山淮徐道袁應泰築塞之明年春工竣

四十年河決徐州三山水灌睢寧并處出白洋小河口入黃
總河都御史劉士忠檄中河司道吳大山袁應泰開挑引
水河復故道明年塞成之

四十一年十一月內該帶管河道漕撫陳薦檄郎中何慶元
揚州道熊尚文開寶應縣弘濟河北月河一道長一百三
十丈南月河一道長一百五十丈又建近湖西堤九淺七

淺滾水石壩二座于明年工完

按弘濟河南北二閘每遇夏秋水漲發三閘不及吞吐
行舟覆溺至是開挑月河新建滾水二壩分殺河怒水溜
遂平

四十二年六月河決靈璧縣陳舖入冬淤平河流復故

四十四年五月河復決狼矢溝水由蛤蟆周柳葑湖入泇河
出直口復與黃會運船人口迎溜稱艱帶管河道陳薦檄
中河郎中黃景章開武河葑口淺水平溜後二年決口新
長淤沙河復故道總河侍郎王佐加築月壩以為保障

是年八月又決陶家店張家灣水由會城大堤陳留等處
入亳州渦河帶管河道陳薦命河南管河道全良範管河
同知徐可大挑河挽水本年冬決口淤平加築大壩河流
復故

四十五年七月帶管總河陳薦檄郎中李之藻督揚州府通
判馮秉雲築黃浦閘下南岸一帶至射陽湖止長五十里
其明年郎中徐待聘復督淮安府同知劉天惠築北岸一
帶長五千九百七丈至次年告成

四十七年八月總河侍郎王佐檄行郎中徐待聘修高郵西

門窰港口起迤南石工五百九十八丈于天啓元年六月
築完其半徐侯另詳興舉

是年九月河決河南脾沙堰水由封丘曹單至考城復入
舊河總河侍郎王佐命河南管河道于本年十一月築塞
之

十月江都三以河淤三百二十三丈界首鎮南淤三百五
丈鎮北淤三百二十二丈梗阻重運郎中徐待聘嚴督
夫挑灑糧運稱利

天啟元年河決靈壁雙溝黃鋪水由永姬湖出白洋小河口

仍與黃會故道涇涸總河侍郎陳道亨行中河郎中金元
嘉築塞未竟是時淮安霪雨連旬黃淮暴漲數尺而淮安
山陽之裏河則決王公祠楊家廟清江浦磨盤庄謝家墩
鳳直二廠等處外河則決安樂鄉顏家庄張家窪高堰武
家墩寺處清河則決龍王廟徐家路等處惟時水灌淮安
新隰二城小民蟻城而居裏外河清河一帶滙成巨浸知
府宋統殷知縣練國事力塞王公祠總河陳道亨行郎中
徐待聘率同知趙廷琰估料荒度興工本年八月臣國威
方受事奉行嚴督河官畢力堵塞其高堰武家墩則躬親

工清查鐵錫石灰諸料照段拆修浪窩盡塞至明年工竣

二年四月寶應西堤風浪衝卸一浚葺處石工六百餘丈臣因成督令河官覈石補砌加培土堤盡塞低陷漏穴本年十月工竣

是年興化知縣邊之靖請修丁溪草堰小海白駒劉莊攔潮五閘并呈遞鹽御史房可壯允發鹽鐵修建至明年河湖大漲百川沸騰滙流入海、潮突高數尺賴諸閘堵禦而潮無內灌河流亦迅駛入海民田禾麥得以有秋

按高寶井處上河一帶河堤閘洞及旁溢之水俱由興化
五場入海若海口無閘以攔之則潮入而河水壅阻今建
閘堵禦潮退水洩無泛濫滄田之患更於每閘令場官僉
百長保長二人看守又于海邊修築舊壩十道俱可通河
禦水復禁奸民盜壩行舟而場官依時啟閉嚴加防範俾
水有所束而五閘亦得永久云

三年河決徐州青田大龍口徐邳靈睢黃河併淤呂梁城南
隅陷沙高平地丈許雙溝決口亦滿上下一百五十里盡
成平陸明年總河侍郎房壯麗題 請帑金鳩夫集料行

中河郎中金元嘉大挑故道復加埽築塞之

是年七月山陽外河決乾溝新河西湖決馬湖閘月壩等處臣國威暨淮海道宋統殷會行淮安府同知張元弼于是年秋築塞之更于清口大王廟分水處建立磯嘴以遏上流之勢

高郵中堤長亘四十餘里歲久不修每遇夏秋水漲堤力不支農田被潦先惟塞南北金門二閘以為障而船由外湖以行時遭覆溺且以築壩擾民臣國威蒞任清出揚屬曠夫銀八百兩因會揚州海道郭士望呈詳總河房公壯

麗漕撫呂公兆熊修築之計長六百四十四丈前銀不足
佐以公帑酌其緩急分年砌之其險工已完堤下田廬亦
可恃以無恐矣

八月界首運河迤北一帶當高寶接界處河身仍淤水且
涸先是市猾雍愛輩擅濬利之利故雖屢經撈濬而無功
至是悉置不理而令高寶河官于淺澁處先築草壩使潴
束水衝刷復加撈濬而重運無梗

九月修築露筋湖口石堤長一百六十丈俱從水中壘
土砌堤工程艱鉅至四年十一月工完先是邵伯湖遊浪

一遇西風大作鼓浪拍堤行舟往往觸石覆溺臣國盛惻然憫之先于二月呈詳行委高江二處河官運土實基外砌磚石內用椿板堤外復栽菱柳以禦驚濤一切工料俱係設處夫贖并請部院贖罰以成之不動官帑

十一月會呈河漕部院詳允挑濬新河淤淺自楊家廟至文華寺止長七百一十七丈四閱月工完放水以行回空按萬曆初年重運由清江出口稱艱漕撫凌雲翼開新河七十里自楊家廟至文華寺止行運一年而以部稅旋閉

三十九年從劉士忠開壩濟運一年復塞而淮安正河三十

年來未挑故議先挑新河內有久湮荒涸者照段分挑深
潤田空等船經行無阻

是月海門縣知縣嚴爾珪詳請縣城東南李稍港之尾建
石閘一座長十丈廣一丈至明年八月告成于是江海通
其吐納旱澇有備運河亦有裨焉

四年二月會挑淮安正河自許家閘至惠濟祠止長一千四
百一十六丈八尺復堵許家閘埽工十餘丈建通濟月河小
閘一座俱于四月工完漕船仍由正河新河復壩閉塞

按淮安正河年久不挑河夫雖冒領工食竟無實加澇濬

者至是大淤臣國盛會同淮海道宋統殷拘集夫頭而庭
詰之欲按工勘視諸夫伏辜遂革前季內工食一千一百
五十兩貯庫會詳先開新河通回空次挑正河以行重運
九月會築淮安包家圍洋信港淮城護堤磚石工長一千六
百丈於十一月報竣時物料夫匠先行齊備故奏不下之工
按淮郡當漕輓輻輳之地商賈畢集而城堞如在釜底惟
恃一線土堤禦黃淮諸湖滔天之勢每年加埽護堤包上
塞城人民惴々焉魚鱉是懼臣國盛先于上年會詳漕河
兩院預備物料分調夫匠是以工成最速其詳具載記中

六月徐州黃水大漲內灌州城是時水由夜發平地丈餘
徐民苦於滄溺遂有遷城之議

漢以前河之決無論矣邇自瓠子迄今彭城二千年間籌
河之得失可畧而言也要之水得其性則暴息沙得其驅
則淤去今之河身日高者以水無所束沙無所攻塞其歸
壑縱之橫行安禁其無傍決乎必徧修諸堤盡塞漏口正
疇昔之運期復先臣之闡壩一淮之力而灌諸黃一黃之
力而灌諸海則海口自闕河身日深壅沙自去而水由地
中矣故曰治河即所以治漕斯乃作考之本意也

漕河通考

漕河南盡瓜儀北通燕冀其開自昌平縣神山泉井水由
西山貫都城過大通橋東至通州入白河者大通河也自
通州而南至直沽會衡水入海者白水也自臨清而北至
直沽會白河入海者衡水也自汶上縣南旺分水河口其
分而北流經張秋至臨清以會衛河其分而南流至濟寧
夫井開上會泗泇洸三水者汶水也自濟寧州城東北以
上會流而來出夫井開與汶水合南流至南陽出夏鎮每

年俱于三月開彭壩入加河出直口入黃以濟重運入加
至九月開彭壩由呂公堂濟回空由徐州大浮橋入黃南
下者泗洗沂并小東泉水也自直河口至清口者黃河水
也自清口通淮南至儀真瓜洲者淮湖諸水也

大通河考

大通河即通惠河發源昌平縣白浮村神山泉過雙橋榆
河會一畝馬眼王泉匯于積水潭復東入內府折而南出
都城東水門過大通橋至通州凡一百六十四里元世祖

至元二十九年郭守敬始鑿此河因賜名通惠又以白河
榆河渾河之水合流亦名潞河

白河考

白河源出密雲縣霧靈山南流經通州會榆河渾河諸水
以至直沽會衛河同入于海者也秦時欲攻匈奴使天下
飛芻輓粟起于瑯琊負海之郡轉輸于北河北河者即此
白河也唐明皇運青萊之粟浮海以給幽平之兵亦由此

河

衛河考

衛河出輝縣蘓門山百門泉東北流經新鄉濬縣館陶莘
處其下流會淇漳諸水凡千里始至臨清又北經德州滄
州莘處凡千餘里至直沽會白河同入于海漢武帝時謂
屯氏河隋煬帝時謂永濟渠亦名御河近來漳水北跳徑
由臨漳入滏陽下北海不循衛河濟運衛流微細

會通河考

會通河即元暹河自濟寧州至臨清是也初元都燕糧運自浙西涉入江淮由黃河逆流至中灤陸運至淇門入御河達于京二十年自任城開河分汶水西北流至須城縣安民山入清濟故瀆經東阿至利津河入海後海口沙壅又從東阿陸運二百里抵臨清下漳御時河尚未通也二十六年以壽張縣尹韓仲暉太醫院令史邊源相繼言復自安民山之西南開河由壽張西北至東昌又西北至臨清凡二百五十里引汶絕濟直歸漳御因名會通河云我朝洪武二十四年河決原武漫過安山湖而會通淤永樂九

年因濟寧州同知潘叔正言遣尚書宋禮都督周長疏鑿
元人故道乃用老人白英計築壩戴村橫亘五里遏汶水
勿東流入海令盡出于南旺分流為二四分往南以接待
郎金純所濬魚臺塌場口河達于徐沛六分北流以達臨
清而會通河復開陽武之陸運從此罷

汶河考

汶水来源有三一由山東萊蕪縣原山之陰一由本縣寨
子村一出太山之陽仙臺嶺三水俱名汶至靜封鎮合流

經泰安州寧陽縣分為二一自東平州戴村鎮西南流至汶上縣會白馬河鵞河凡八十里南北流號為分水龍王廟一自寧陽縣堽城壩西南流合泗沂二水凡一百餘里至濟寧州南天井關東合分水南流之汶

洸河考

洸河源自寧陽縣北三十里堽城之西南流循縣西三里許又南流三十里至高吳橋會寧陽縣諸泉清河又六十里經濟寧城東隅與泗合入濟寧天井關河濟運接洸

河乃汶水支流自元人畢輔國於堽城之左作斗門過汶水以溢泗漕則洸河之名始此

泗河考

泗河源出泗水縣陪尾山四泉並發循西流過卞莊城始合為一西流至兗州府城東又轉南流經橫河與曲阜縣沂水合元導之以濟運乃于兗州府東門外作金口閘過令東入府城又轉南流會洸河以入濟寧天井閘河初泗之水會沂水以南流汎濫大澤淹沒為甚至隋文帝時薛

甯始于二水交流之處積石堰之決令西注陂澤盡為良田號為薛公豐交渠元至元間復修薛甯舊堰為滾水石壩以引泗水入濟寧而金口閘之建自此始我

朝因之金口閘有三洞夏秋水潦開閘洩水南流會沂水由塔里河入師家莊閘河冬春水微閉閘過水入府城出濟寧此泗水經流之跡也水經曰泗水出汴縣北山蓋泗水古汴縣也陪尾山去縣北四十里以四源並發故謂泗水

沂河考

沂水源有二一出曲阜縣尼山西南流與泗水合分為二股一西流金口闢入天井一南流會泗水下師家莊闢河其一出沂水縣會蒙陰沂水諸泉與沂山之汶合流至邳州入淮按職方氏云青州其浸曰沂沫禹貢于徐州亦曰淮沂其乂然則青州之沂乃其源而徐州之沂特其流云爾近挑漉河邳州之沂導由落馬湖出董陳二溝入黃

沂河考

沂河出河南鄭州滎陽縣西二十里三皇山其山上有二

廣武城相去百餘步汴水自兩城間小澗中流出東經開封府城內又東合蔡水流過蕭縣至徐州城東與泗水合馬

淮河考

淮河源西自桐栢山由河南直隸合漆洧汝潁諸水東經鳳陽泗州稍北經清河縣南又稍北趨淮郡後經安東縣入海其北自徐邳經清河縣北稍東而南趨于淮則山東泗沂諸水合流南行淮所受支河也本皆清流周職方氏

青州其川淮泗謂此黃河則西源崑崙東經天津衛入海
汴河則西源河南滎陽東經千乘今青州樂安縣入海固
河汴之本體也後山西沁河南衝決斷黃河黃河決斷汴
河自朱仙鎮東濟南經留城超徐邳亂洸沂直下其勢奔
湃不能復東過清河縣北乃徑決縣西而南入于淮以趨
海故直謂之黃河與淮敵體非復泗沂之舊清河以東之
淮身亦皆黃流而支河反為主矣按江河淮濟謂之四瀆
今以一淮而受大黃河之全蓋合二瀆而為一也自宋以
前河自北入海尚能為濱河州郡之害况今河淮合一而

清口又合泗沂諸水以同歸于淮也哉

泗河考

國家定鼎 燕京仰給東南惟以一線河漕為六軍萬姓之命脉先年海運河運利害相參未有全利而無害者唯泗河既避黃河之險又資泉湖之利誠天造地設求賴之漕渠也第經營之始或因渠而濬或就陸而穿塹山剡石引泗合沂流為大川以通輓運厥初孔艱當

穆宗朝都御史翁大立倡議開之差勘以為後必難成而寢

嗣後尚書朱衡都御史萬恭會勘未決至萬曆三年都給
事侯于趙都御史傅希摯巡漕御史劉光國勘議費奢亦
不果通年汶泗泛溢魚滕沛徐之郊堤潰運阻二十一年
總河舒應龍題

淮挑韓莊中心溝鑿壘避石通彭河水道以入黃而泇口始
闢其後二十五年河決黃堦二洪告涸糧運淺阻總河劉
東星尋韓莊故道鑿良城侯遷莊及挑萬莊由黃泥灣至
宿遷董家溝以試行運而泇脉始通至三十年河決沛縣
大堤由昭陽湖穿夏鎮橫衝運道三十二年總河李化龍

以黃失故道運不可恃特尋舒劉舊績而都水司主事
守相為陳泃河利運狀檢是題

請開泃行運起自夏鎮訖於直口綿亘二百六十餘里避黃
河險者三百餘里其間改李家巷以避河淤開王市田家
口以遠湖險中鑿鄰山以展河渠建良城臺在候遷頓性
丁廟萬莊張莊德勝等閘以節宣水利費僅二十萬計而
泃之運始行總河曹時聘復大加展拓建壩過沙修堤渡
緯置郵驛設兵巡增河官立公署而泃為坦途總河劉士
忠復慮其易淤議以每歲三月開泃以行運九月閉之以

修濟開呂壩令田空由黃於是加黃並用云夫加倡於舒
廣於劉成於李緝於陳拮拮据胼胝者夏鎮主事梅守相也
舉議定畫者先御史高舉後御史轉食事汪先岸也同扞
奏議者御史張養志孔貞一給事侯慶遠胡忻也開闢以
時克求其利者督臣劉士忠也莫為之前誰為經始莫為
之後誰為守成諸公之績偉矣若乃殫精圖

國克意殊勲李公之廟食不在乎江大本之下也矧議加之
初度費以百五十萬計公用二十萬而役竣其左枝右梧
披忠瀝蹇雖大禹之憂勤曷有加焉至於未盡之畫後人

補之則在今之洛馬河矣。

通海口考

按淮南淮北沿海俱有海口。如海州則有東海口在安東。則有雲梯關張網口在山陽縣。則有廟灣海口益城縣。則有石碓海口其餘五港灌口喻口北浦寺口與各塩場村鎮小渠入海者多難以悉紀。然入海之水正派則有黃淮二瀆由清口會流下淮。安安東雲梯關入海。此故道也。萬曆二十三年總河楊公一魁因黃強淮弱清口沙墊淮不

東下反挾湖水暴漫

祖陵于是會 題開桃黃壩新河分黃由桃源黃家嘴下五

港口分流入海然黃入故道者什之七八而入新河者什
之二三也自黃之外淮屬諸湖水支流漫溢俱導以入海
如淮安與文等處間洞之水則由澗河武家墩之水則由
涇河俱入射陽湖高良湖周家橋之水一由岔河下涇河
一由阜子湖寶應湖下子嬰溝俱入廣洋湖而廣洋射陽
二湖之水俱東趨廟灣入海高寶興益等處下河之水則
滙由興化丁溪等五場入海若有驟溢則有盐城石碇海

口為之分洩淮北海州東海正口向雖稱淤而旁口更濶
亦奔流無滯

通江考

攷江水向自瓜儀達于清口亦與黃淮會而今則黃水身
高奪淮拒江而下勢如建瓴此漕河即為通江正脉其餘
支流如高邵等湖受淮泗漫散之水又由邵伯金家灣下
運盩河入芒稻河達江江都灣頭亦下運盩河流海陵諸
處亦有由白塔河滾水壩達江者揚州迤南下揚子橋俱

分流入江而盈溢暴漲之水在于分疏下流如芒稻寺河
疏之不至狹阻可也

支河考

西上河車邏鎮對河支河一道通高家橋接五安南湖聯
邵伯湖五里壩對河支河一道名為五汊港通磚馬二橋
南通南河北通新開湖接茅塘港抵張墩寺湖張家溝小
河一道通運鹽河販鹽之徒船由此楸運過湖陸漫溝對
河支河一道通黃蕩橋龍崗雷城寺處風順從新開湖直

過路捷風逆由此河遠道而行駭遠寶應縣南民田支河
通行去路通射陽湖入海南門外東支河一道通廟灣鹽
城汎水鎮對河支河一道由草子湖抵周家橋古溝閘通
泗州洪澤湖達鳳陽并處子嬰溝支河一道通沙溝時堡
興鹽寺處山陽縣窑灣新河一道通文華寺出通濟閘外
河涇河支河一道路通射陽湖入海揚州鈔關北城河一
道往來小船關路擠塞由城內越關過出北門水關遠天
寧寺梅花嶺便益門橋閘入運河以上各支河俱通運河
者也

河役考

漕河諸水黃河為最大而利害亦略相當自淮以北每為
漕患者必曰黃河在永樂時則有開汶上新河之役在正
統景泰時則有塞張秋之役在弘治時則有塞金龍口與
復塞張秋黃陵岡之役在正德時則有塞曹沛之役在嘉
靖時則有開趙皮塞白河之役有濬廟道口以南之役有
濬李景高口之役有濬房村之役最後有開新河之役在
萬曆有經畧兩河大修遙縷堵崔鎮葺決築高堰塞竇應

八淺之役分黃導淮之役王家口朱旺之役開闢沔河之役而張秋金龍口新河高堰沔河朱旺之功為最著近來獲溝青田之決呂梁邳州一帶變為平陸郎中金元嘉襄決復黃河于故道厥功不小而無柰徐城之復沉河身自高運河日淤溜能梗運漕能灌城臣國威于是有新河之濬舊河之挑復砌淮城之長堤曲突徙薪以免罪戾非敢云功也

河官考

漕河經始官無定員當其時故道久廢

天子銳意規畫一時恢弘奇偉之士獻智略者輻輳

上前故自工部尚書宋禮都督周長平江伯陳瑄而下有若

尚書劉觀侍郎蘭芳張信新寧伯譚清襄城伯李隆員外

郎夏濟主事劉文勇等凡數公往來督視其後河功既成

天子重其事遣恭寧侯鎮遠侯新寧遂安兩伯分理濟寧諸

閘及徐呂二洪通州諸處河道最後遣大理少卿工部郎

中員外主事監察御史河南按察副使等官景泰二年都

御史王竑始奉

勅總漕兼領河道自通州至揚州一切水利有當蓄洩者得
以便宜督所司行之六年廼命都御史陳泰提督濟寧至
儀真瓜洲河道亡何罷不設成化六年漕河處淺澁遣
戶部尚書薛遠工部侍郎喬毅分行疏濬御史丁川上言
請如先年用陳泰事專設提督官令其久任工部議以為
運河洪閘有本部郎中一人主事八人巡河御史二人河
南黑羊山有叅議一人山東張秋河道有僉事一人兗州
有同知一人晉泉及各府皆有通判一人晉河立法已密
宜勿設便至是言者復以為河道因無專主以致廢弛乃

命郎中陸鏞郭昇分治南北副使陳善則治沙河以北德州以南而刑部侍郎王恕總之主事則分理洪閘其提督淮安至儀真河道主事及巡河御史奏罷不用自恕以後總理不復設間值河有他故遣大臣行視圖方略治之事竟還

朝正德十一年始專設總理以工部侍郎兼都御史或左右副都御史兼侍郎兼軍務其沿河分理河務則有工部郎中三人北河張秋一中河呂梁一南河高郵一又通惠員外一人主事五人一臨清一南旺一夏鎮一徐州一清江

浦隆慶元年始分巡漕御史兼管其各府州縣瀕漕河者
長吏與有修治之責此外有管河同知通判州判主簿寺
官專領其事衛亦有巡河指揮諸閘壩有閘官壩官

漕運考

夫我

國家歲漕四百萬粟以資京師餉各邊勢必繇河以濟是治
河即所以治漕但兌運之先後漕輓之遲速而閘壩之啟
閉水勢之蓄洩恒必因之是漕治而河亦治河漕本相須

者也今所紀河政纖悉備記而漕政竟略而無攷似為缺
典况糧艘一入瓜儀沿河催償責成功令具在而期限過
淮總漕巡漕俱有題 報此當必載者故又摘其漕糧之
額派運船之編目關於河道者附焉非為贅也

一漕糧歲額四百萬石船一萬二千餘艘每船用卒十人擇
其中蕃富者一人為旗甲一人為綱司餘卒附運每年除
永折十萬七千七百有奇及遇有災傷臨期改折軍船減
存外其應兌糧米總漕衙門派定水次官軍兌運又有把
總漕道巡漕尾押償入京庾各鎮邊倉焉

一兌運米三百五十萬石

浙江六十萬石

山東二十八萬石

河南二十七萬石

湖廣二十五萬石

江西四十萬石

應天府一十萬石

蕪州府六十五萬五千石

松江府二十萬三千石

常州府一十七萬五千石

鎮江府八萬石

太平府一萬七千石

寧國府三萬石

池州府二萬五千石

安慶府六萬石

鳳陽府三萬石

淮安府二萬五千石

揚州府六萬石

廬州府一萬石

徐州三萬石

一改兌米七十萬石原係民運徐淮臨德四倉上納軍船赴
倉支運京通二倉成化十一年以後總改軍赴水次兌運
故名改兌

浙江三萬石

山東九萬五千六百石

河南一十一萬石

江西一十七萬石

應天府二萬八千石

蕪州府四萬二千石

松江府二萬九千九百五十石

鎮江府二萬二千石

揚州府三萬七千石

鳳陽府三萬三百石

淮安府七萬九千一百五十石

徐州一萬八千石

廣德州八千石

以上數內定山東河南各改折七萬石湖廣改折三萬七千七百三十四石七斗如各省直災傷奏留改折于臨德二倉預備糧內支運足數

按前項省直漕糧除山東河南二省南直廬鳳并府徐州并處不由南河外其餘湖廣江西浙江三省并江南蘄松常鎮寧國太平池州安慶應天并府廣德一州并民運白

糧運艘俱進瓜儀二閘由揚州淮安出清口涉黃險入泇
河過濟浮衛達天津抵路灣交納京庾邊倉而瓜儀清口
寔為餉道咽喉焉

按軍運船南京二總二十六衛曰錦衣曰府軍右曰神策
曰金吾後曰留守左曰虎賁左曰鎮南曰龍虎曰廣洋曰
龍江右曰豹韜左曰江陰曰府軍曰旗手曰府軍左曰羽
林左曰應天曰橫海曰興武曰府軍後曰水軍左曰龍虎
左曰龍江左曰水軍右曰金吾前曰瀋陽右 上江總一
十衛曰建陽曰新安曰安慶曰九江曰鷹揚曰留守右

黔龍曰虎賁右曰武德曰宣州。下江總七衛曰鎮江曰
蕪州曰太倉曰鎮海曰駝騎右曰羽林右曰留守中又嘉
興松江二所 淮大總五衛曰淮安曰大河曰泗州曰壽
州曰邳州 揚州總六衛曰揚州曰高郵曰儀真曰滁州
曰廬州曰六安又通州泰州益城興化四所 中都總十
衛曰鳳陽曰鳳陽中曰鳳陽右曰留守中曰留守左曰懷
遠曰長淮曰宿州曰武平曰潁州所一曰洪塘 浙西總
四衛曰杭州前曰杭州右曰紹興曰海寧又嚴州湖州海
寧三所 浙東總四衛曰寧波曰台州曰温州曰處州又

金華衛州二所 江西總三衛曰南昌曰袁州曰贛州又
吉安安福永新撫州建昌廣信鉛山饒州八所 湖廣總
九衛曰武昌曰武昌左曰蘄州曰黃州曰荊州曰荊州右
曰岳州曰襄陽曰沔陽所一曰德安 山東總五衛曰臨
清曰平山曰東昌曰濟寧曰任城所二曰東平曰濮州又
衛十二曰歸德曰德州曰德州左曰天津曰天津左曰天
津右曰通州左曰通州右曰定邊曰神武中曰徐州曰徐
州左內除山東一總外其餘各總下衛所糧船俱由南河
北上

民運船凡五府蘓州府縣六吳長洲崑山常熟吳江嘉定
州一曰太倉松江府縣三華亭上海青浦常州府縣四武
進無錫江陰宜興嘉興府縣七嘉興秀水嘉善海鹽崇德
平湖桐鄉湖州府縣六烏程歸安長興孝豐德清武康五
府共運糧一十八萬八百六十餘石此俱由南河者也

貢船考

南京司禮監二起制帛計二十扛實用船五隻華料實用
船二隻

守備用冰物件六起鮮梅四十杠或三十五杠實用船八隻枇杷四十杠或三十五杠實用船八隻楊梅四十杠或三十五杠實用船八隻

尚膳監三起鮮笋四十五杠實用船八隻鱖魚四十四杠實用船七隻

守備不用冰物件二十二起鮮椒橙等物五十五杠實用船六隻鮮茶十二杠實用船四隻木樺花十二杠實用船二隻石榴柿子四十五杠實用船六隻甘櫚甘蔗五十杠實用船一隻

膳監八起天鷲芋物二十六扛實用船三隻醃菜芋
物共一百三十鐺實用船七隻笋一百二十鐺實用船五
隻蜜煎櫻桃芋物七十鐺實用船四隻乾鱒魚芋物一百
二十鐺實用船七隻紫藕糕芋物二百四十八鐺實用船
八隻木樨花煎芋物一百五鐺實用船四隻鵝鴨芋物一
十五扛實用船二隻

司北局五起芋蒜七十扛實用船四隻薑種芋苗芋物八
十扛實用船五隻苜蓿一百扛實用船六隻鮮藕六十五
扛實用船五隻十樣菓一百四十扛實用船六隻

內府供用庫三起香楫五十扛實用船六隻苗薑芋物一
百五十扛實用船七隻十樣菓一百一十五扛實用船五
隻

御馬監一起首宿種四十扛實用船二隻